



МЕСЯЦА ОКТЯБРЯ В 25-Й ДЕНЬ

Святых мученик и нотарий Маркиана чтеца и Мартирия иподиакона

На Господи, воззвах: стихиры, глас 4.

Подобен: Яко добля:

Течение совершивше и веру соблюдше, / мучения венцем увязостеся, Маркиане и Мартирие, / столпий непоколебимии Церкви, / сосцы, млеко нелестное источающие, / светлии бисеры, светильницы, / иже тварь светлостью благочестия просвещающе.

Един разум вносяще и едино соглашающе, двоица Божественная, / разделение Ариево разрушили есте, / научающе чествовати Соприсносуцна Отцу Сына и Собезначальна, и Духу, / во Единице Троицу и Троицу во Единице, / Едино Естество Трех Лиц Нераздельно.

Последователие и единомравніи, / подобници и единомревнителіе / священнопроповедника Павла явистеся, / и изливанием крове враги потописте, / и лютых ересей изсушисте поток, / и явистеся река благочестия, напаяющая Церковь Христову, / Маркиане и Мартирие.

Слава, глас 1.

Германово:

Ученицы и последователие бывше / Единосущныя Троицы проповедника и исповедника, / и с ним за Ню гоними, блаженнии, / вечную смерть еретических языкоболій предсудисте. / Тем и

мученическими венцы украсившися от Бога / и дерзновение приемше, / молитесь избавитися от бед чтущим память вашу.

**И ныне,
Богородичен или Крестобогородичен.**

Подобен: Всехвальнии мученицы:

Агница, Агница и Всенепорочная Владычица, / на Кресте яко видевши, зрака не имуща, ни доброты, / увы Мне, плачущи глаголаше: / где доброта Твоя зайде, Сладчайший, / где благолешие, где благодать сияющая образа Твоего, / Сыне Мой Любезнейший.

**На стиховне Октоиха.
Слава, глас 3:**

Разумнии Церкви светильницы и Троице поборницы, / Маркиан и Мартирий, щитом веры ереси низложивше, / Православия светом мир просветиша, / Павлу повинующеся, равноапостолу, пастырю и учителю истинно догматов, / Ариево и Несториево низложиша разделение, / Савеллиево и Севирово слитие отражающе, / Троически Богословяще Единицу / и от Девы Воплощася Бога, / во двою существу Единого Христа, / благочестно всем воспевати, всехвальнии, проповедаша. / Тем венцы победы с Небесе приемше, Богоглаголивии, / просят нам велия милости.

**И ныне,
Богородичен или Крестобогородичен:**

Оружие сердце Твое пройде, Пречистая, / егда Сына Твоего на Кресте видела еси и вопияла еси: / небезчадну Мя покажи, Сыне Мой и Боже Мой, / соблюди Мя по Рождестве Деву.

Тропарь, глас 1:

Мученик двоица единоправная, / Маркиан с Мартирием славным, Ариево нечестие разрушиша / и Соприсносушна Сына Отцу и Духови веровати научиша, / Павлу повинующеся истинных повелений учителю, / темже мечем убиени, умроша; / и присно со Христом живуще, / о нас Того молят / спасти души наша.

НА УТРЕНИ

Оба канона Октоиха. И святых канон на 4. Егоже краеграни-
сие: Двум приношу мучеником пения. Иосиф. Глас 4.

Песнь 1

Ирмос: Тристаты крѣпкия, / Рождѣйся от Девы, / безстра-
стия во глубине / души тричастное потопись, молюся: / да
Тебе, яко в тимпане, во умерщвлении телесе / победное
воспою пение.

Превесьма́ светом Святыя Троицы осия́еми
присно, / светильницы непрелѣстнии бываеете,
святии, / тем, верою светоносный праздник ваш
днесь совершающе, / свѣтло веселимся.

Видети, на земли возсиявшее Слово, из Девы
нас ради желающе, страдальцы, / Отцу Единосущ-
на Сего исповедающе, / нужднейшую смерть, по-
мыслом крепчайшим, пострадасте.

Павла мудраго, Богоглагольницы, явльшеся
последователе и ученицы, / Единочѣстна Отцу
Сына проповедасте, / Тем, мечи ссечѣни бывше,
излиянием крѣве, страсотерпцы, землю освятѣ-
сте.

Богородичен:

Безначальнаго Сына Божия зачѣнши, воплоти-
ла еси, Чистая, / бываема Человека за милость
неизглаголанную: / тем, Тому поклоняющеся,
благочестно Тя славим, Вину всех обожения.

Песнь 3

Ирмос: Не мудростию и силою, и богатством
хвалимся, / но Тобою, Отчею Ипостасною Мудростию,
Христе: / несть бо свят, паче / Тебе, Человеколюбче.

Православия просвещаеми Божественным
Духом, / Ариево омрачение отнюд прогнасте, /
свидетели бывше Вседержителя.

Равно Слово Отцу догматствующе, святии,
разсудѣсте умрѣти, Маркиане и Мартирие, / и к
безконечней Жизни преидосте.

Воинствословием священным Ангелом
сочисли́стеся / и мученик ликом пресвѣтло
совокупѣстеся, / тем честную вашу память похва-
ляем.

Богородичен:

Упещрѣна рясны златыми яко Царица, / Царя
и Бога одесную ныне предстоиши, Владычице, /
молящи о рабех Твоих.

Седален, глас 3.

Подобен: Божественныя веры:

Повеление Божественное исповѣдающе даже до крове, / еже о Нем приясте, мученицы славнии, / зловерных прѣлесть обличивше и Православную веру соблюдше, / но молитесь Христу Богу непрестанно / даровати нам велию милость.

Слава, и ныне, Богородичен:

Божественнаго естества не отлучся, / плоть быв во чреве Твоем, / но Бог вочеловечся и пребысть, / Иже по рождестве, Матерь, Тя Деву, / яко прежде рождества, / сохранив Всенепорочну Един Господь. / Того прилежно моли даровати нам велию милость.

Крестобогородичен:

Нескверная Агница Сло́ва, Нетленная Дева Мати, / на Крестѣ зрящи повешена из Нея без болезни Прозябшаго, / матерски подобно, рыдающе, вопиаше: / увѣ Мне, Чадо Мое, / како страждеша волею, / хотя избавити от страстей безчестия человека.

Песнь 4

Ирмос: Седя́й в славе на Престоле Божества, / во облаце лёгце / прииде Иисус Пребожественный / нетленною дланию, и спасе зовущия: / слава, Христе, силе Твоей.

Доблим помы́слом и совершенною мудростию Православия, мученицы Господни, утвердившеса, / мученически подвиг совершите, / еретическую тьму отгна́ли есте.

Иже Сло́ва не проповедав Отцу Единосущна, / разгневався несмы́сленно на мученики, / удавѣся жи́лами священных ваших подвиг и погрузи́ся крова́ными теченьми, Божиюю благодатию.

Вбѣи́нствовавшѣ Господу верою, святии, и пострадавшѣ, / Небесным вѣи́нством сочисли́стеса, / тем ублажа́етеса, / укрепление наше и просвещение бывающе.

Сосцы́ Церковнии, / млеко́ источающии Православия и благочестивыя питающии, / Маркиан доблий и Мартирий, / да похва́лятся радостными песнопении.

Богородичен:

Священный дрéвле пророк гóру Божественную наречé,/ добродетельми, Дево Пречистая, весьма́ осенéну:/ из Неяже Слово Спасительное явися/ на обновление и просвещение душáм нашим.

Песнь 5

Ирмос: Нечестíвии не úзрят Славы Твоея, Христе,/ но мы Тя, Единородне,/ Отческия Славы сияние Божествá,/ от нóщи úтреннююще,/ воспеваетъ Тя, Человеколюбче.

Премудрых явístеся догмáтов последователи/ Павла, священнодéтеля Божественнаго,/ егоже нрáвы, мученицы, подражавше,/ терпеливно пострадасте и законно венчáстесь.

Яко звéзды сияете на высотé честнýя Церкви свéтло,/ тьму глубочайшую отгоняюще Áриевы ёреси,/ мученицы дóблественнейшии.

Удалившеся, святии, жити́я красот, приближистесь Христу,/ малéйшею же кровию недви́жимое Царство,/ славнии стратотерпцы, насле́довасте.

Богородичен:

Истинна родила́ еси Сына на земли,/ Единосúчна Отцу и Божественному Духу, Богородительнице:/ Егоже непрестанно моли́/ ущéдрити дýши наша.

Песнь 6

Ирмос: Приидóх во глубинý морския,/ и потопила мя есть буря многих грехов,/ но яко Бог из глубины возведи живот мой,/ Многомýлостиве.

Глаголом последующе пастыря, премудраго Павла,/ Православную веру соблюдо́сте/ и, яко агницы, кровопíиц мечí закалаетесь, радующеся.

Честна́ пред Господем, благославнии,/ ваша смерть явися, мудрии ору́жницы,/ тем почестьмí лётними, святии, от всех ублажа́етесь.

Вас, дóбляя стратотерпцы, Маркиане всеблаженне и Мартирие,/ источник чудес Христова Церкви имúщи,/ вечно веселится.

Богородичен:

Усты́ и язýком Матерь Тя всеистинно, Дево,/ Бога нашего исповéдуем:/ Того, Чистая, прилежно моли спастися душáм нашим.

Кондак, глас 4.

Подобен: Вознесыйся:

Подвигшеся добре от младенства, / Маркиане с мудрым Мартирием, / отступника Ария низложите, / невредно сохранише Православную веру, / Павлу последующе, мудрому учителю, / темже с ним обретосте живот, / яко Троицы поборницы изряднейшии.

Икос:

Яко служителие благочестия Бога Человеколюбца, / двоице благословенная, предварите мя скоро и лютых избавите, / слово ми мудрости подающе, ваше похвалити страдание, / еже за веру, святии, нравом несомненным пострадавшие, венцы приясте Небесныя. / Ликом страдальцев, и апостолов, и учителей, и честных архиереев свеселитесь, / яко проповедницы Божия Слова и Троицы поборницы изряднейшии.

Песнь 7

Ирмос: Авраамстии иногда в Вавилоне отроцы / пещный пламень попраша, псньми зывающе: / отец наших Боже, благословен еси.

Последующе добре священнаго пастыря, Православием удобряеми, / руками заклани бысте злославных все, / преславнии оружницы.

Законоположение Божие невредимо верно сохранише, / мученицы Божественнии, / законно пострадасте от рук беззаконных, / купно заклани бывше.

По погребении священном приходящим с верою ко гробу вашему / недуги погребаете, святии, / еже к Жизнодателю святым ходатайством вашим.

От источников таинственно священных почерпающе Божественную благодать целений, / верныя напоете, / недуг всякое иссушающе умножение.

Богородичен:

Избавлени Твоим Рождеством, Богомати, вечнаго осуждения, / радуйся, зовем Ти, / присно Благословенная и Обрадованная.

Песнь 8

Ирмос: Избавителю всех, Всесильне, / посреде пламене благочествовавший, / снизшед, оросил еси / и научил еси пети: / вся дела благословите, пойте Господа.

Якоже два агнца, закала́етесь, / Агнца Божия, Единосу́щна Отцу проповедающе, / и, Трапéзе Вышней принесéни бывше, страдальцев собору сочетава́етесь.

Укрепля́еми силою Духа, искорени́те преле́сти сверепство / и, крепко пострадавше, лю́те ослабленныя немощми́, / мудрии исцеляете мученицы.

Вра́чеве страсте́й бывше душ наших, святии мученицы, / лю́тыя недуги и привоста́ния противная / разрешите Божественными молитвами.

Воспеваем Отца Нерожденнаго, и Сына, и Духа Святаго, / Едино Су́щество Несозда́нно и Божество́ Едино, и вопи́ем согласно: / вся дела благословите Господня Господа.

Богородичен:

Умерщвлéнныя ны оживила еси, / Жизнь всех рожда́ющая, Богороди́тельнице Владычице, / мучеников слава и праведных, / и прегрешений теплое очисти́лище.

Песнь 9

Ирмос: Ева убо недуго́м преслушания / клятву вселила есть, / Ты же, Дево Богородице, / прозябением чревоноше́ния, мируи благословение процвела́ еси: / тем Тя вси величаем.

Крепостию вжиля́еми Божественною, смерти, стратотерпцы, не убой́тесь, / но, усердно подложше мечём в́и, / испо́лните до́блественно по́двиг Божественный, тем достойно блажит́ся.

Яко два светильника свéтла, просвещаете вселенныя исполнения / Божественными страданий светлостми́, Маркиане мудре и Мартирие, / тьму мрачныя е́реси Ариевы отгоня́ще.

Венцы́ славы от Бога, победивше слепоумнаго Македония, прия́сте достойно; / и Престолу Влады́чню предстоя́ще, / прегрешений нам проси́те разрешение совершенно, достославнии.

Память Божéственна́я ваша возсия солнца светлейши, / всех просвещаю́щи сердца сию́ совершаю́щих, блаженнии, / в нейже умоли́те Господа тьмы согрешений нас избавити.

Богородичен:

Света жили́ще, Чистая, сущи, / души моея́

зѣницы просвети, очернёвшія небрежением / и тьмою невѣдения глубочайшею всегда одержимыя, Всенепорочная, / яко да верою ублажаю Тя.

Светилен.

Подобен: Духом:

Павла всеблаженнаго последователи бывше, течение совершите, / Христова Царствія и Славы безсмертныя с ним получите со всеми святыми, / и предстоите кѹпно Троице Честнѣй, / славословяще Ю достѣйно.

Слава, и ныне, Богородичен:

Похваляют Рождество Твое Безплотных чини, / радости бо сущія на землі Ты исполнила еси едина, / тем Тя, Пренепорочную, вернии славим, пѣсньми славословяще: / Свет бо сущим во тьме возсіяла еси, яко утро возсіявающее день.

На Литургии: Прокимен, глас 4: Дивен Бог во святых Своих, Бог Израилев. Апостол к Ефесеам, зачало 224, от полѹ. Аллилуія, глас 4: Возваша праведнии: Евангелие от Матфея, зачало 34, от полѹ. Причастен: Радуйтесь:

**В
ТОЙЖЕ
ДЕНЬ**



Святыя праведныя Тавифы

НА ВЕЛИЦЕЙ ВЕЧЕРНИ

На Господи, воззвах: стихиры, глас 4:

Церковь Христова чудо днесь страшное прославляет: / едина от дщереі Адама гробом приѣмлется, / яко земля в землю отходит, исполняючи веление Зиждителя, / но Той яко смерти Потребитель апостолом Своим провещавает, глаголя: / тебе сказую, Тавифо, востани и будеши паки жити, / да уразумеют вси тебе ради, яко Аз есмь Воскресение и Жизнь, / и всяк веруяй в Мя не ѹмрет во веки.

Востания егда твоего слух, Тавифо, обѣде пределы Иоппійскія, / тогда вера Христова утвердися во мнозех / разумеша бо вси владычество Господа, / Иже иматъ власть возставляти мертвыя, / сие бо есть едино от образѹв сбытіе, / яко пожерта бысть смерть победою Сына

Божия, / и Той есть Владыка и жизни Податель, / обновляя и просвещая души наша.

Иже есть всех человеков спасение, / послá ученики Своя по вселенней, / да проповедают Его Воскресение, / и аще не воскресе Господь, суетно упование жизни вечныя. / Верховный же от апостол прииде во Иоппию, повелевает Тавифе воскреснути от мертвых, / да вси вернии уразумеют воистину, яко жительствует жизнь воскресением Христовым. / Мы же, несумнѣнно верующе чудесѣ и воскресению, / припадаем в молитве ко Вседержителю: / Многомилостиве и Милосерде, / молитвами святыя Твоя спаси души наша.

Слава, глас той же:

Яже сѣрна нарицаемая, воистину той уподобилася еси, Тавифо, / егда со тщанием скоро устремилася еси уклонитися всякаго нечестия, / ближняя своя возлюбила еси, и украсилася еси преизобильно милосердием. / Отонудуже сия царица добродетелей возведе тя к жизни Небесней, / обаче Христос Царь Славы, видя тя, мудрую деву, / со украшенным светильником в деснице, / паки тя воздвизает к жизни временней, / да наставиши и нас ходити во свете, / являюще достойное звания своего во плоти жительство, / и да будем совершени воистину, / и сподобимся райския сладости Иерусалима Горняго / твоими молитвами ко Спасу нашему.

И ныне: Догматик гласа или во глас той же: **И**же Тебе ради: **Вход и чтения три преподобническая (зри страницы 791—792).**

На литии стихиры, глас 1:

Блажен праведник, пребывая в благодати, / уподобися бо древу при исходящих вод, / еже плоды изобильны приносит во времена своя, / егоже лист не отпадѣт. / Сия глаголы Давидовы видим сбываеми на тебе, Тавифо: / утвердила бо еси спасение твое на твердом камени, / иже есть поправление грехолюбия, / поставила еси нозе на путь добродетели / и востекла еси в Небесныя обители, / идеже седиши во славе невечерней, / тамо вознеси молитвы ко Престолу Триединого

Безсмертнаго, / да разрешит пленницы греховныя, /
имиже растлѣхом образ Его, живущий в нас, / и
утвердит ны в благочестии.

Исполнися ныне рече́ние Премудраго, / яко
добрая жена имать славу и честь; / во всю землю
изыде вещание о тебе, Тавифо, / вси бо имут тя
образ благочестия, еже подобает в житий
стяжати, / да исполнится высочайшая заповедь. /
Любы́ твоя простира́шеся на человеки, по пове-
лению Божию, / сего ради и Господь возлюби тя и
возстави от гроба. / Не забуди нас, совершающих
память твою, / и моли Владыку всех Христа Бога
нашего, / Иже есть Любы́ совершенная, / да мир
Его воцарится в нас и по всей земли, / и пребу-
дем присно в любви Его.

Слава, глас 5:

Днесь гласы хвалебными вдовицы славу поют
Богу, / с ними же и вси земнороднии веселятся: /
тии бо прияша от мертвых воставшую жену
добродетелей, / яже бе и пребудет им прибежище
в скорбех и нуждах, / сии же радуются чудеси
преславному, / яко востанут кости сухия и плоть
человеча в День Судный / прияти славу или
осуждение Мздовозда́теля. / Потщимся убо дес-
ным сочетаться, / поревну́ем не жертве, а
милости, / Господеви предлагающе предстатель-
ство праведныя Тавифы, / во спасение душ
наших.

И ныне, Богородичен, глас 8:

Владычице и Мати Избавителя рода
человеческаго, / к Тебе припадаем и Тебе
молимся: / молися, Пречистая, Сыну Твоему всех
Богу, / да воздвигнет люди Своя умерщвленныя
грехми / к жизни и плодоношению духовному, /
якоже дрѣвле Тавифу повелением апостола, / да
благодарно зовем Ему: / слава силе Твоей,
Господи.

На стиховне стихиры, глас 2:

Сын и Слово Отца Безначальнаго, / явивыйся
на земли возсоздати падшыя, / предлагает путь
ко спасению, глаголя: / иже хочет спастися, да
будет милостив. / Вышняя милости восхотевши,

Тавифо,/ наплатала еси алчущия хлебом, утолила еси жажду трéбующих,/ пребыла еси сирым и вдовицам утешение,/ больным и безкровным прибежище была еси,/ научи и нас подражатели тебе быти/ и моли спастися душам нашим.

Егда праотец помышляше себе паче Бога быти,/ тогда явилася естъ смерть греха обрóцы./ Ты же, предавши сердце Создателю, Тавифо,/ возлюбила еси созданныя по образу Создавшаго,/ тем убо исполнила еси заповедь Новаго Адама,/ Иже разруши клятву прародителя,/ смертный же искус прияла еси,/ но востала еси от мертвых силою Безсмертнаго,/ да явится слава Божия верным/ и увéдят вси людие,/ яко Господь и в жизни сей венчает праведники/ и прославляет Своя угодники.

Радость вдови́ча в плач преложисъ о успении твоём, Тавифо:/ никтоже бо грядый к тебе тощ оты́де,/ но удовлила еси во Имя Господне всяку потребу чловечу,/ словом сёрдца твоего осушила еси слезы скорбящих,/ к сему и дело рук твоих приложила еси,/ и сию обою, яко крилами, возлетела еси к Престолу Господа Вышних Сил,/ моли Его спастися нам.

Не имамамы инаго утешéния, якоже преставляющаяся Тавифа,/ возопиша вдовицы камню веры,/ сия бо предаде рúце своя на служение наше,/ укрыла естъ многия от зноя и хлада,/ в дом свой введе неимущия,/ болящим вся ко врачеванию подающи,/ ты же, верховен посланник Всемогущаго,/ повели, да востанет от мертвых на радость нашу и славу Божию.

Слава, глас тойже:

Аще и зрите Тавифу во гробе, не рыдайте, не плачтите,/ глаголет сын Иóнин со дерзновением,/ Божественный Учитель наш, посылая ны возвещати Его Благовестие,/ даде власть всякия плóти:/ больныя и недужныя врачевати,/ бесы изгоняти и прокаженныя очищати,/ к сему же и мертвыя воскрешати,/ да утвердится исповедание Воскресшаго от мертвых,/ верующим бо вся возможна суть у Бога,/ тем убо, видя веру вашу, взывая вопию:/ Тавифо, востани от мертвых.

**И ныне: Богородичен.
Тропарь, глас 4:**

Днесь вера Христова утверждается камнем веры, / и ликовствует в веселии Иоппíя, / псаломски славословят Жизнодавца Сына Божия вернии, / видяще совершаемо велие чудо: / первоверховный апостол глаголет, / и умершая встает от гроба, / юже Низложитель смерти дарует Церкви, / да украшаются во образ ея добродетельми люди. / Приидите убо, христиане, / принесем ко святей моления наша: / блаженная Тавифо и милосердная, / вознеси наша воздыхания Пресвятей Троице / и молися со дерзновением, / да сынове Света Превечнаго будем, / да сподобимся Божия милости, / да пребываем в любви Божественней, / и да царствует мир во вселенней.

НА УТРЕНИ

По первом стихословии, седален, глас 3:

Един от Троицы, воплотивыйся нас ради, / воздвизает от гроба умершую плотию словом первопрестольника апостолов, / да торжеством добродетели воцарится в сердцах человеческих исповедание Его; / к Нему же припадающе взываем: / спаси ны, Всесильне, предстательством Тавифы.

Стих: Апостол верховный / о Имени Спасове воздвиге Тавифу, во гробе лежащую, / Сей бо есть воистину праздник благочестия, / имже поучающиеся зовем: / дивен Бог во святых Своих.

Слава и ныне, Богородичен:

Безвестная Дево, / рождшая преестественне Слово Божие, / Имже вселенная и жизнь утверждается, / радости наша и упование, мольбы Тавифы блаженные прими / и теми спаситися нам сотвори, Тебе вопиющим: / радуйся, Невесто Невестная.

По втором стихословии седален, глас 7:

Радуется днесь человеческий род, / вселенная ликовствует в веселии, / несть бо в земнородных страха истления: / Христос Воскресый дарует

жизнь, и встает Тавифа от гроба./ Мы же, зряще велие чудо, вопием:/ воскреси и нас и сподоби славы Твоя, Человеколюбче.

Стих: Аще, возшед на Небо,/ и царствует одесную Отца Низложитель смерти и ада,/ но неразлучно пребывает в Церкви Своей, якоже Апостолом обещался есть,/ ныне словом ученика Тавифу здравою возоставляет от мертвых,/ научая верных Своих добродетели.

Слава и ныне, Богородичен:

Радуйся, скиние Божия, радуйся, святая святых,/ в нейже, яко на Херувимех, пребысть сияние Славы Отчия, зрак рабий волею вземшее,/ радуйся, породившая Животворящаго вся,/ ныне Тавифу силою Своею глаголом ученика воздвигшаго от гроба.

По 50-м псалме стихира, глас 6:

Егда преставление Тавифы совершися,/ скорбию вернии Иопнии одержими бяху,/ наипаче вдовицы слезяще,/ яко отыде от земных едина,/ многих добродетелей исполненная,/ обетования воистину наследница,/ яже творяще милостыню великую./ Обрэтшуся же ту первоверховному,/ глаголаху к нему вси люди церковныя;/ претвори печаль и слезы всех в радость,/ яко благовестуеши Низложителя смерти./ Петр же ста посреде и воздвиге глас свой,/ воззва по молитве со властью:/ не ктому пребуди в мертвых, усопшая.

Канон, глас 4, егоже краегранесие: Памяти и востанию твоему, Тавифо, поем вси.

Песнь 1

Ирмос: Несть Тебе подобен, препрославленный Господи,/ рукою бо крепкою избавил еси люди,/ яже стяжал еси, Человеколюбче.

Приспе светоносный днесь праздник,/ радости исполняя вселенную,/ Тавифа от смертнаго сна встает к жизни сей,/ указующи путь ко спасению.

Аще, возшед на Небо, и царствует одесную Отца Низложитель смерти и ада,/ но неразлучно пребывает и в Церкви Своей по неложному обещанию,/ ныне ученицу, добродетельми

украшенную, / здоровою возставляет посреде от мертвых словом апостола, / верным Своим указуя путь ко спасению.

Милости источник сый, / обещаый помиловати благосерда, / возлюбившую ближняя Тавифу блаженную / в назидание всем воскреси от истления, / житием тоя указуя путь ко спасению.

Богородичен:

Яже принесшая во вселенную радость, мир и спасение, / Дево Всепетая, моли Сына Своего Вседержителя с Тавифою милосердною, / да помилует люди Своя, / Сам бо есть верным Своим путь ко спасению.

Песнь 3

Ирмос: С высоты снишел еси волею на землю / превышше всякаго начала / и смиренное вознесл еси / из ада преисподняго естество человеческое; / несть бо свят, паче Тебе, Человеколюбче.

Творец всея твари, обнищав нас ради, / сниде даже до Креста и погребения, / но воскресе Боголепно, со славою, возставляя суция во гробех, / Той и ныне воздвиже Тавифу от мертвых словом верховнаго Апостола, / темже славно прославися.

Исполнив все смотрение, еже о нас, / посла Неботайнники апостолы Своя всем языком, / возвещати спасение всех земнородных, / Владыка жизни и смерти речением камене веры воскрешает Тавифу умершую, / темже славно прославися.

Искус смертный приѣмшую Тавифу милосердную / воздвизает от тления Животворый вся, / утверждая веру ученик Своих чудом благовестника, / в немже славно прославися.

Богородичен:

Вышшую небес и чистшую всея твари, / явльшую в мир Еммануила, / Иже спасе нас и приусвои, и соедини с Собою, и воздвиже от смерти вечныя, / благодарно вси и славно прославим.

Седален, глас 3:

О, чуда преестественнаго! / О, величества Божия! / Воскресением Содетеля жизнь утвердися и смерть низложися. / И Той во апостолах вся

чудодействует, / якоже и ныне зрим востание Тавифы от мертвых словом Петровым.

Песнь 4

Ирмос: Сей Бог наш от Девы воплощся / и естество обожив, / Егоже воспевающе, вопием: / слава силе Твоей, Господи.

Зна́мение всемирнаго воскресения в день оный ныне зрим в Иоппíи, / апостол повелевает, и мертвая паки обретает жизнь, назидаящи всех в добродетели, / к нейже, припадающе, воззовем: / Тавифо блаженная, моли спастися всем нам.

Силою Воскресшаго Спаса, / Петровым гласом возбуди́лася еси от сна смертнаго, / да паки поживе́ши в правде по заповеди Милосерднаго Спаса, / Егоже моли, Тавифо блаженная, спастися всем нам.

Таинство смертное токмо коснуса тебе, Тавифо блаженная, / повеле́ бо Спас глаголом ученика воскресе́нути тебе от мертвых, / да знают вси земнороднии, яко входы и исходы жизни нашея в деснице Вседержителя, / Егоже моли спастися всем нам.

Богородичен:

Архангел Гавриил блавестí тебе, Дево, вопияше, / яко низложí Сын Твой смерть и воскресе боголепно, / подая избавление людем Своим, вопиющим к Тебе усердно: / Владычице, упование наше, моли спастися всем нам.

Песнь 5

Ирмос: Ныне встану, пророчески рече Бог, / ныне прославлюся, ныне вознесуся, / падшаго прием от Девы, / и к свету умному возносяй Моего Божества.

Никтоже поставляет под спудом светильник горящий, / но на свещнице, да светит всем. / Тако и ныне, Тавифо блаженная, Человеколюбец Господь воздвизает тя, / елеем милости исполненную и светом Христовым сияющую, глаголом первоверховнаго. / Моли Жизнодавца Спаса, да просветит души наша.

Имеяй власть судити живым и мертвым / посылает ученики воскрешати мертвыя во утверждение Евангельскаго блавестия. / Сего ради и Тавифа возбуждается паки от смертнаго сна, / к

нейже припадём вопиюще:/ моли Воскресшаго нас ради, да просветит души наша.

Юже воздвѣже от гроба первопрестольник апостолов,/ восхвалим вси песньми досто́блжными:/ Тавифо блаженная, милости Божия сосуде избранный,/ моли Благосердаго Человеколюбца, да просветит души наша.

Богородичен:

Тя величаем, Богородице Дево,/ Ты еси свеще умная, явльшая миру Свет неприступный,/ Имже вси озарѣхомся в купели Крещения, об́аче помрачѣхомся прегрешеньми,/ умоли Его, плоть от Тебе Приемшаго, да просветит души наша.

Песнь 6

Ирмос: Приидѣх во глубины морския/ и потопила мя есть буря многих грехов,/ но яко Бог из глубины возведи живот мой,/ Многомилостиве.

Вся тварь ныне ужаса и радости исполняется,/ видящи смерть низлагаему воскрешением Тавифы человеком, приемшим повеление Богочеловека,/ Низложителя ада и смерти, к Немуже воззовем:/ Твой мир даждь нам, Всесильне.

О Тавифо блаженная!/ Воставши от мертвых вещанием гласа апостольскаго,/ егоже Господь посла чудеса совершати во умножение веры,/ воззови, Емуже предстоиши и Егоже зриши непрестанно по втором твоём успении:/ мир Твой, Всесильне, даруй людям Твоим.

Егда апостольский глас в слух уха твоего прияла еси, блаженная,/ востала еси от смертнаго ложа/ и, поживши благочестно, паки преставилася еси к Горней Славе,/ идеже помолися, Тавифо, Господу всяческих,/ да дарует всем нам мир, яко Всесилен.

Богородичен:

Мати Божия, Радосте наша и Прибежище спасения!/ Обуреваемы есмы прегрешеньми и напастыми житейскими, к Тебе припадаем,/ приносяще сокрушения сердечная, и Ты на помощь призываем:/ мир подаждь миру Твоими молитвами.

Кондак, глас 4:

Ужасахуся Иоппійстии людие, и дивляхуся Ангели Божии, / егда исцеливый Еннея воззва от мертвых серну нарицаемую, милосердием преукрашенную, / о нейже к нему взываху вдовицы неимущыя. / И ныне, Тавифо блаженная, услыши молитвы наша, к тебе приносимыя, / и испроси у всяческих благ Подателя милости и щедроты верным Его, / да, блажаще тя, вопием ти: / радуйся, добродетели нас научающая.

Икос:

Ты еси прибежище сирым и вдовицам, Тавифо, рабо Господня. / Сотворила еси благая людем, законы Евангельския исполнила еси / и научила еси человеки не себе жити, но ближнему угождати во благое. / Сего ради наследница Царствия Небеснаго явилася еси / и пребыла еси на земли, имущи любовь Небесную, / ейже причастники сотвори молитвою твоею и нас, чтущих тя верно и вопиющих: / радуйся, добродетели нас научающая.

Песнь 7

Ирмос: В начале Безначальное Слово / со Отцем и Духом, Сын Единородный, благословен еси, / и превозносимый, Боже отец наших.

Апостольский лик разсеяся в поднебесней, словом Евангельским вся концы земли просвещая. / Петр убо воздвижением Тавифы от мертвых вселенную утверди исповедати воскресение Христа Жизнодавца, / Егоже превозносим во веки.

Воскреснут мертвии, и востанут сущии во гробех, / глаголаше древле пророк, провидяй духом поправление ада. / Сие же явлено бысть и твоим успением и востанием, Тавифо; / темже и мы, чтуще верно память твою, / Христа Жизнодавца превозносим во веки.

Исповѣдаючи Господа Иисуса усты твоими, блаженная Тавифо, / сердце твое отдала еси Тому, и заповеди Его потщилася еси исполнити, / и служила еси дѣлы рук твоих неимущым. / Добродетелию же, яко лестницею, взошла еси в

чертоги Небесныя./ Мы же, видяще тя сияющую светом Евангельским,/ Христа Жизнодавца поем и превозносим во веки.

Богородичен:

Фома иногда прииде на гроб Твой, Владычице,/ видев пояс един, уразумé, яко воскресла еси от гроба благодатию и силою Сына Твоего./ Тогда убо апостоли прославиша Господа и Тебе, Заступницу нашу./ Теми убо научéни, и мы веруем, яко присно с нами еси неотступна,/ сподоби ны грешныя, не имущыя ея милости,/ предстояти Престолу Христа Жизнодавца, якоже Тавифа, с лики избранных,/ да превозносим Его во веки.

Песнь 8

Ирмос: Избáвителю всех, Всесильне,/ посреде пламене благочествовавшия,/ снизшед, оросил еси/ и научил еси пети:/ вся дела благословите, пойте Господа.

Обиталище Духа Всесвятаго явилася еси, досточудная,/ истóргла бо еси от сердца твоего вся мудрования греховная,/ наипаче же страх Господень стяжала еси/ и воздвигла еси в души твоей храмину благочестия, Боговédения же и человеколюбия,/ и ныне, радующийся в Небесных чертозах,/ молися о нас, чтущих тя верно.

Плод мира и радости о Дусе Святе духовен есть,/ и любви, яже есть союз совершенства,/ долготерпение же с благостию и милосердием./ Имúщи же вся сия,/ сотворила еси в себе пребывалище благодати Божия, Тавифо достохвálnая,/ и была еси образ добродетели,/ житием твоим благовествúючи Евангелие Царствия Небеснаго./ Молися убо о нас, чтущих тя верно.

Образ и утешения и долготерпения, блаженная Тавифо, явила еси в житии о Господе,/ вся бо дела твоя растворила еси милостию,/ яже излилася от сердца твоего, в немже благодать вселися./ Дажь убо и нам от ея сего, яко да светильницы наши не угаснут,/ чтущим тя верно.

Богородичен:

Еже, Дево, от века та́инство открыся,/ егда в

сбытіе Совѣта Превечнаго благовести Тебе Гавриил рождество Еммануила — Бога Истиннаго и Человека, / Иже совоскресі́ всех с Собою и обожі́. / Того моли, Преплагословенная Заступнице наша, / даровати радость вечную чтущим Тя верно.

Песнь 9

Ирмос: Сокровенное Божие неизречѣнное / в Тебе совершается явственное таинство, / Дево Пречистая, / ибо Бог из Тебе воплотися за милосердіе. / Темже тя яко Богородицу величаем.

Милость, о Тавифо, возлюбила еси по слову Господню / и принесла еси Ему в жертву чісту сердце твое, блаженная, / еже очистила еси огнемъ любви Божественныя, / и, взираючи на люди, разумела еси в тех образ Божий / и творила еси им такожде, якоже заповѣда Спас мира. / Дажь убо и нам от любви твоея и моли, Егоже возлюбила еси, / даровати нам жизнь безконечную.

Веселятся концы земли и радуется Иопнія, ныне свершаемо зряще чудо преславное, / яко востá от гроба жена блаженная и праведная сущи, / ученица Поправшаго силу смерти и врата ада, / Того убо моли, Тавифо, о всех нас.

Славословие и песни, Тавифо блаженная, приносим Единому Источнику безсмертія, / воскресившему тя Апостола Своего речѣнием и веру утвердившему / и научившему нас, како внѣти в Его чертоги Небесныя стезѣю милости, еюже востекла еси. / О сем, радости исполнени, / приносим Ему песни усердныя и молитвы: / светом Твоим просвети всех нас.

Богородичен:

И Небесная и земная поют Тебе, Богомати, гласы хваления, / яко Тобою Бога познахом и обретохом жизнь вечную: / Твой бо Сын Божественный узы смертныя разорі́ Своею смертию и воскресением. / Темже востание Тавифы от смертнаго сна гласом первоверховнаго апостола почитающе, молим Тя, Владычице: / мир Церкви и миру Твоему, Богородице, даруй, / утоли церковныя соблазны и постави ны с лики избранных Твоих.

Светилен, глас 7:

Свет, из гроба Воплотившагося Превечнаго Слова возсиявый, / озарй всю вселенную блистанными воскресения, имже попрося смерть. / Апостол же, носй сияние сего Свѣта живоноснаго, воззва от мертвых Тавифу во Иоппїи, / утвердив исповедание Воскресшаго, / Емуже взываем: / просвети нас Твоею истиною.

Слава, глас тойже:

Троице Трисийнная, / света Твоего зарями просвети омраченныя прегрешеньми / и воздвигни долу поверженныя и земли преклоньшияся, / да не умрем во веки, но востанем от греховнаго тления, якоже Тавифа от гроба, / вси бо аще и согрешаем, но несумненно православно исповедаем Отца и Сына и Духа Святаго.

И ныне:

Пречистая и Преблагословенная Дево, / Мати Сияния славы Отца Безначальнаго, / восприывши свет Солнца правды, / просвети, яко пресветлая луна, люди Твоя, / да разыдется всякий мрак от сердец их, / вси бо имут Тя Заступницу, покров и прибежище.

На хвалитех стихиры, глас 8:

Блаженна еси, святая Тавифо, / возрасшая в винограде Христове, иже есть Церковь Божия. / От Лозы истинныя Иисуса Сладчайшаго почерпла еси Божественныя токи благодати, / имиже плодоносилася еси от земли к Небесным. / Яко грозд винный, напитай нас и увесели подражанием тебе в добрых делех, / да сподобимся неизреченных благ.

Проповѣда иногда Господь, / яко аще зерно пшеничное, пад на землю, не умрет, то едино пребывает, / аще же умрет, сотворит плод изобильный: / успение твое, Тавифо, явися плодоносно, / востала бо еси от мертвых за слезы вдовичи, / не токмо ради твоя добродетели, яже ныне во услышание Церкви всей, / и явися образ достоподрожательный многим, / наипаче же сие сотворися во утверждение веры Христовы, / отверзающая человеком райския двери, / да Небесная с земными сочетаются. / Мы же в добродете-

лех оскудѣвшии, / молитвы твоея ко Всещедрому просим, / да спасет и помилует души наша, / миру же подаст мир и велию милость.

Днесь соборы верных ликовствуют, / прославляюще величие добродетели, / юже Господь яви в житии Своей ученицы, / яже процветѣ, яко финикс, преумноживши таланты Господни.

Испроси, о Тавифо, блажащим тя / оставление прегрешений.

Слава, глас тойже:

Глас Владыки Христа услышавши, / будите убо совершени, якоже совершен есть Вышний Отец ваш, / Божественным глаголом последовала еси, Тавифо, / в сердцы твоем, яко в добрей земли, произрастила еси семя жизни вечныя, / и плоды его явила еси пред человеки, / яже прославляют Прославльшаго тя, / и научаются жити по образу твоему; / моли о всех, творящих память твою.

И ныне: Богородичен.

Славословие великое, ектении и отпуст.

На Литургии: Блаженны от канона святых песнь 3 и песнь 6. Апостол Деяний, зачало 23. Евангелие от Матфея, зачало 104.



**В
ТОЙЖЕ
ДЕНЬ**

**Преподобнаго Мартірія диакона,
в Дальних пещерах почивающаго**

Тропарь, глас 1:

Служивый в чину диаконства Господеви добре, / честный иеродиаконе Мартірие, / и тамо яко слуга Господень обретьйся, / идеже и Господь твой, / молися Ему и о нас, / да подаст нам велию милость.

Кондак, глас 2:

Диаконе честный, иночествующим похвало / и преподобным сопричастниче всеблаженне Мартірие, / молися Господеви непрестанно о всех нас.